

才調集

四

才調集卷第七

古律雜歌詩一百首

李宣古一首

聽蜀道士琴歌

至道不可見正聲難得聞忽逢羽客抱綠綺西
別峨眉峯頂雲初排 面躡輕響似擲細珠鳴
玉上忽揮素爪畫七絃蒼崖劈烈迸碎泉憤聲
高怨聲咽屈原叫天兩妃絕朝雉飛雙鶴離屬
夜啼獨鷺悲吹我神飛碧霄裏牽我心靈入
秋水有如驅逐太古來邠淫避蕩貞心開孝為

才調集七

子忠為臣不獨語言能教人前弄嘯後弄嘯一
舒一慘非冬春從朝至暮聽不足相將直說瀛
洲宿更深彈罷背孤燈牕雪蕭蕭打寒竹人間
豈合值仙蹤此別多應不再逢抱琴却上瀛洲
去一片白雲千萬峯

王渙十三首

惆悵詩

八蠶薄絮鴛鴦綺半夜佳期並枕眠鐘動紅娘
喚歸去對人勻淚拾金鈿
李夫人病已經秋漢武看來不舉頭得兩濃華



銷歇盡楚魂湘血一生休

謝家池館花籠月蕭寺房廊竹颭風夜半酒醒
憑檻立所思多在別離中

隋師戰艦欲亡陳國破應難保此身訣別徐郎
淚如雨鑑鸞分後屬何人

七夕瓊筵隨事陳蓼花連蒂共傷神蜀王殿裏
三更月不見驪山私語人

夜寒春病不勝懷玉瘦花啼萬事乖薄倖檀郎
斷芳信驚嗟猶夢合歡鞋

嗚咽離聲管吹秋妾身今日為君休齊奴不說

平生事忍看花枝謝玉樓

青絲一路隨雲鬢金剪刀鳴不忍看持謝君王
寄幽怨可能從此住人間

陳宮興廢事難期三閣空餘綠草基狎客淪亡
麗華死他年江令獨來時

晨鞦重來路已迷碧桃花謝武陵溪仙山目斷
無尋處流水潺湲日漸西

少卿降北子卿還朔野離觴慘別顏却到茂陵
唯一慟節毛零落髮毛斑

夢裏分明入漢宮覺來燈背錦屏空紫臺月落

關山曉腸斷君恩信盡工

悼亡

春來得病夏來加深掩粧窓卧碧紗為怯暗藏
秦女扇怕驚愁度阿香車腰肢暗想風欺柳粉
態難忘露洗花今日青門葵君處亂蟬衰草夕
陽斜

岑參四首

首蓂峯寄家人

首蓂峯邊逢立春胡蘆河上泪沾巾閨中只是
空相憶不見沙場愁殺人

玉關寄長安主簿

東去長沙萬里餘故人何惜一行書玉關西望
腸堪斷况復明朝是歲除

逢入京使

故園東望路漫漫雙袖龍鍾淚不乾馬上相逢
無紙筆憑君傳語報平安

春夢

洞房昨夜春風起遙憶美人湘江水枕上片時
春夢中行盡江南數千里

賈曾一首

有所思

洛陽城東桃李花飛來飛去落誰家
幽閨女兒愛顏色坐見落花長歎息
今歲花開君不待明年花開復誰在
故人不共洛陽東今來空對落花風
年々歲々花相似歲々年々人不同

許渾二十二首

金谷園桃花

花在舞樓空年年一番紅淚光
停曉露愁態倚春風
開日妾先死落時君亦終
東流三兩片應到夜泉中

洛陽道中

洛陽多舊跡一日幾人愁
風起禁花晚月明宮樹秋
興亡不可問自古水東流

塞下曲

夜戰桑乾雪秦兵半不歸
朝來有柳信猶自寄征衣

放猿

殷勤解金鎖別夜雨淒淒
山淺憶巫峽水寒思建溪
遠尋紅樹宿深入白雲啼
好覓南歸路煙蘿莫自迷

郊園秋日寄洛中友人

楚水西來天際流，感時傷別思悠悠。
一罇酒盡青山暮，千里書迴碧樹秋。
日落遠波驚宿雁，風吹輕浪起眠鷗。
嵩陽親友誰相念，潘岳閑居欲白頭。

春望

南樓春一望，雲水共昏昏。
野店歸山路，危橋帶郭村。
晴煙和柳色，夜雨漲溪痕。
下岸誰家住，殘陽半掩門。

穎州從事西湖亭讌餞

才調集七

五

西湖清讌不知迴，一曲離歌酒一盃。
城帶夕陽聞鼓角，寺臨秋水見樓臺。
蘭堂客醉蟬猶噪，桂檝人稀鳥自來。
獨想征帆去，華洛此中霜菊正花開。

南遊泊船江驛

漠漠故宮地，月涼雲水幽。
鷄鳴荒戍曉，鴈過古城秋。
楊柳北歸路，蒹葭南渡舟。
去鄉今已遠，更上望京樓。

經段太尉廟

徒想追兵緩翠華，古碑荒廟閉松花。
紀生不向

滎陽死可有山河屬漢家

南國浣紗伴盈盈天下姝盤金明繡帶動珮響
羅襦素手怨瑤瑟清心悲玉壺春花坐搖落爭
忍嫁狂夫

題潼關西蘭若

東往幾經過前山枕大河遠帆春水闊高寺夕
陽多蝶影下紅藥鳥聲喧綠羅故鄉歸未得徒
詠採芝歌

虞元長者永興公之後工書屬文近從

軍河中奉使宣歙因贈

吳門風水各萍流月滿花開嬾獨遊萬里山川
分曉夢四隣歌管送春愁昔年傾我長青眼今
日逢君已白頭莫向樽前悲易水古來投筆盡
封侯

凌歊臺

宋祖凌歊樂未回三千歌舞宿層臺湘潭雲盡
暮山出巴蜀雪消春水來行殿有基荒薜合寢
園無主野棠開百年便作萬年計巖畔古碑空
綠苔

咸陽城東樓

一上高城萬里愁，兼葭楊柳似汀洲。
溪雲初起日沉閣，山雨欲來風滿樓。
鳥下綠蕪秦苑夕，蟬鳴黃葉漢宮秋。
行人莫問當年事，故國東來渭水流。

一作行人莫問前朝事，清水寒光晝夜流。

姑熟官舍

草生官舍似閑居，雪照南窓滿案書。
貧後始知為吏拙，病來還喜識人疎。
青雲豈有窺梁燕，濁水應無避釣魚。
不待秋風便歸去，紫陽山下是吾廬。

詞集七

七

凌歊臺送韋秀才

雲起高臺日未沉，數村殘照半巖陰。
野蠶成繭桑柘盡，溪鳥引雛蒲稗深。
帆勢依依投極浦，鐘聲杳杳隔前林。
故山迢遞故人去，一夜月明千里心。

南庭夜坐貽開元禪定二道者

暮暮焚香何處宿，西巖一室映疎藤。
光陰難駐跡如客，寒暑不驚心是僧。
高樹有風聞夜磬，遠山無月見秋燈。
身閑境靜日為樂，若問自餘非我能。

秋日早朝

宵衣應待絕更籌環珮鏘鏘月下樓并轉轆轤
千樹曉門開閭闔萬山秋龍旗盡列趨金殿雉
扇纔分拜玉旒虛戴鐵冠無一事滄江歸去老
漁舟

題勤尊師歷陽山居 并序

師即思齊之孫頃為故相國蕭公錄用相國致
政尊師亦自邊將入道因贈是詩

二十知兵在羽林中年潛識子房心蒼鷹出塞

胡塵滅

一作靜

白鶴還鄉楚水深春坼酒瓶浮藥

詞集七

八

氣晚攜碁局帶松陰雞籠山上雲多處自斷黃
精不可尋

淮陰阻風寄楚州韋中丞

垂釣荆江欲白頭江魚堪釣却西游劉伶臺下
稻花晚韓信廟前楓葉秋淮月未明先倚檻海
雲初起更維舟河橋有酒無人醉獨上高城望
庾樓

油蔚一首

贈別營妓卿卿

時為淮南幕
職奉使塞北

憐君無那是多情枕上相看直到明日照絳窓

人去住鷓啼紅粉淚縱橫愁腸只向金閨斷白
髮應送玉塞生為報花時少惆悵此生終不負
卿卿

張祐七首

觀杭州柘枝

舞停歌罷鼓連催軟骨纖蛾暫起來紅罨畫衫
纏腕出碧排方胯背腰回傍收拍拍金鈴擺却
路聲聲錦初摧看着遍頭香袖摺粉屏香帕又
重隈

周負外席上觀柘枝

詞集七

七

畫鼓拖環錦臂攘小娥雙換舞衣裳金絲感霧
紅衫薄銀蔓垂花紫帶長鸞影乍迴頭對舉鳳
聲初歇翅齊張一時歛腕招殘拍斜斂輕身拜
玉郎

觀楊媛柘枝

促疊蠻鼉引柘枝卷簷虛帽帶交垂紫羅衫宛
躡身處紅錦靴柔踏節時微動翠蛾拋舊態緩
遮檀口唱新詞看看舞罷輕雲起却赴襄王夢
裏期

感王將軍柘枝妓歿

寂寞春風舊柘枝美人休舞曲停吹鴛鴦鈿帶
拋何處孔雀羅衫付阿誰畫鼓不聞招節拍錦
靴虛想挫腰肢今來座上翻如醉曾見梨園教
徹時

貴家郎

二十便封侯名居第一流綠鬟深小院清管下
高樓醉把金船擲閑敲玉鐙遊帶盟紅鞵鼠袍
砑紫犀牛碧瓦坊牆上朱橋柳巷頭眼前長少
貴那信有春愁

病宮人

才調集七
十
佳人卧病動經秋簾幕縑繆不掛鉤四體強扶
藤夾膝雙鬟慵插玉搔頭花顏有幸君王問藥
餌無徵待詔愁惆悵近來銷瘦盡淚珠時傍枕
函流

來鵬二首

宛陵送李明府罷任歸江州

菊花村晚鴈來天共把離盃向水邊官滿便尋
垂釣侶家貧已用賣琴錢浪生盆浦千層雪雲
起爐峯一炷煙倘見吾鄉舊知己為言憔悴過
年年

劉得仁一首

悲老宮人

白髮宮娃不解悲滿頭猶自插花枝曾緣玉貌
君王寵準擬人看似舊時

高軒四首

步虛詞

青溪道士人不識上天下地鶴一隻洞門深鎖
碧窓寒滴露研朱點周易

寫懷二首

漁竿消日酒消愁一醉忘情萬事休却恨韓彭

木調集七

七

玉軟

效古詞

姊妹無多兄弟少舉家鍾愛年景小有時繞樹
山鵲飛貪看不行畫眉了

山中得劉秀才京書

自笑家貧客到踈滿庭煙草不能鋤今朝誰料
三千里忽得劉京一紙書

望夫詞

手執寒燈向影頻回文機上暗生塵自家夫婿
無消息却恨橋頭賣卜人

劉得仁一首

悲老宮人

白髮宮娃不解悲滿頭猶自插花枝曾緣玉貌
君王寵準擬人看似舊時

高軒四首

步虛詞

青溪道士人不識上天下地鶴一隻洞門深鎖
碧窓寒滴露研朱點周易

寫懷二首

漁竿消日酒消愁一醉忘情萬事休却恨韓彭
興漢室功成不向五湖遊

詞集心

十三

花滿西園月滿池笙歌搖曳盡船移如今暗與
心相約不動征旗動酒旗

風箏

夜靜弦聲響碧空宮商信任往來風依稀似曲
纔堪聽又被風吹別調中

李端一首

代棄嬪答賈客

玉壘城邊爭走馬銅隄市裏共乘舟鳴環動珮
恩能盡掩袖低巾淚不流疇昔將歌邀客醉如

今欲舞對君羞忍懷賤妾平生好獨上襄陽舊
酒樓

趙嘏十一首

長安秋望

雲物淒涼拂曙流漢家宮闕動高秋殘星幾點
雁橫塞長笛一聲人倚樓紫艷半開籬菊靜紅
衣落盡渚蓮愁鱸魚正美不歸去空戴南冠學
楚囚

長安月夜與友生話故山

宅邊秋水浸苔磯日日持竿去不歸楊柳風多
潮未落蕪葭霜在鴈初飛重嘶匹馬吟紅葉却
聽疎鐘憶翠微今夜秦城滿樓月故人相見一
沾衣

汾上宴別

雲物如故御山川知異路年來未歸客馬上春
色暮一罇花下酒殘日水西樹不待管絃終搖
鞭背花去

曲江春望懷江南故人

杜若洲邊人未歸水寒煙暖想柴扉故園何處
風吹柳新鴈南來雪滿衣目極思隨原草遍浪

高書到海門
稀此時愁望情多少
萬里春流遶
釣磯

自遣

晚樹疎蟬起
別愁遠人回首
憶滄洲江連故國
無窮恨日帶殘雲一片秋
久客轉語時態薄多
情只共酒淹留
到頭生長煙霞者
湏向煙霞老
始休

新月

玉鉤斜傍畫簷生
雲匣初開一寸明
何事最能
傷少婦
夜來依約落邊城

才調集七

十四

東望

楚江橫在草堂前
楊柳洲邊載酒船
兩見梨花
歸不得
每逢寒食一潛然
斜陽映閣山當寺
微綠含風樹滿川
同郡故人攀桂盡
把詩吟向泐
寥天

寄歸

三年踏盡化衣塵
只見長戈不見春
馬過雪街
天未曙
客迷關路淚空頻
一作柳 雲
桃花塢
接啼猿
寺野竹亭通畫
鷁津
早晚粗酬身
事了
水邊歸去一閑人

寒食新豐別友人

一百五日家未歸新豐雞犬獨依依滿樓春色
傍人醉半夜雨聲前計非繚繞溝塍含綠晚荒
涼樹石向川微東風吹淚對花落顛顛故交相
見稀

感懷

獨上江樓思眇然月光如水水如一作連天同來
看月人何在風景依稀似去年

茅山道中

煙樹重重水亂流馬嘶殘雨晚程秋門前便是

才調集七

三五

仙山路目送歸鴻不得遊

朱絳一首

春女怨

獨坐紗窓刺繡時紫荊花下轉黃鸝欲知無限
傷春意盡在停針不語時

姚倫一首

感秋

試向疎林望方知節候殊亂聲千葉下寒影一
巢孤不蔽秋天鴈驚飛夜月烏霜風與春日幾
度榮枯

劉方平二首

秋夜泛舟

林塘夜泛舟，蛩響荻颼颼。萬影皆因月，千聲各為秋。歲華空復晚，鄉思不堪愁。西北浮雲外，伊川何處流。

春怨

紗牕日落漸黃昏，金屋無人見淚痕。寂寞闌庭春欲晚，梨花滿院不開門。

陳羽一首

長安卧病秋夜言懷

才調集七

其

九重門鎖禁城秋，月過南宮漸映樓。紫陌夜深槐露滴，碧空雲盡火星流。風清刺漏傳三殿，甲第歌鍾樂五侯。楚客病來鄉思苦，寂寥燈下不勝愁。

薛能三首

遊嘉州後溪

山屐經過滿迳蹤，隔溪遙見夕陽春。當時諸葛成何事，只合終身作卧龍。

老圃堂

邵平瓜地接吾廬，穀雨乾時偶自鋤。昨日春風

欺不在就床吹落讀殘書

銅雀臺

魏帝當時銅雀臺黃花深映棘
禁開人生富貴須回首此地豈無歌舞來

李郢一首

江上逢王將軍

虬鬚憔悴羽林郎曾入甘泉侍武皇
鵬沒夜雲知御苑馬隨春仗識天香
五湖歸去孤舟月六國平來兩鬢
鬢霜惟有栢伊江上笛卧吹三弄送
殘陽

薛逢二首

開元後樂

莫奏開元舊樂章樂中高曲斷人腸
邠王玉笛三更咽彌國金車十里香
一自犬戎生薊北便送征戰老汾陽
中原駿馬搜求盡沙苑年來草又芳

漢武宮詞

武帝清齋夜築壇自斟明水醮仙官
殿前童女移香案庭際金人捧露盤
絳節有時還入夢碧桃何處更驂鸞
茂陵煙雨埋冠劍石馬無聲蔓

草寒

崔塗一首

讀庾信集

四朝十帝盡風流建業長安兩醉遊唯有一篇
楊柳曲江南江北為君愁

項斯一首

蒼梧雲氣

何年化作愁漠漠便難收數點山能遠平鋪水
不流濕連湘竹暮濃蓋舜墳秋亦有思歸客看
來盡白頭

十國集二

十八

崔峒一首

江上書懷

骨肉天涯別江山日落時淚流襟上血髮白鏡
中絲胡越書難到存亡夢豈知登高迴首罷形
影自相隨

李宣遠一首

塞下作

秋日并州路黃榆落故關孤城吹角罷數騎射
鷗還帳幕遙臨水牛羊自下山征人正垂淚烽
火起雲間

陶翰二首

古塞下曲

進軍飛狐北窮寇勢將變日落沙塵昏背河更
一戰駢馬黃金勒雕弓白羽箭射殺左賢王歸
奏未央殿啟言塞下事天子不詔見西出咸陽
門哀哀淚如霰

新安江林

江源南去水野飯暫維稍古戍懸漁網空林露
鳥巢雪晴山脊見沙淺浪痕交自笑無謀者逢
人作解嘲

溫憲三首

春鳩

邨南微雨新平綠淨無塵散睡桑條暖閑鳴屋
脊春遠聞和曉夢相應在諸隣行樂花時節追
飛見亦頻

郊居

村前村後樹寓賞有餘情青麥路初斷紫花田
未耕雉聲聞不到山勢望猶橫寂莫春風裡吟
酣信馬行

杏花

團雪上晴稍紅明映碧寥店香風起夜村白雨
休朝靜落猶和蒂繁開正蔽條澹然閑賞久無
以 嬌嬌

李頻六首

湖口送友人

中流欲盡見湘烟葦岸無窮接楚天去雁遠衝
雲夢雪離人獨上洞庭船風波盡日依山轉星
漢通霄向水連零落梅花過殘臘故園歸去醉
新年

送友人往太原

才調集七

離亭聊把酒此路徹邊頭草白雁來盡時請人
去遊汾河流晉地塞雪滿并州明日相思起蕭
條上北樓

寄遠

槐欲成陰分袂時君期十日復金扉槐今落葉
已將盡君向遠鄉猶未歸化石早曾聞節婦沉
湘何必獨靈妃須知此意同生死不學他人空
寄衣

鄂州頭陀寺上方

高寺上方無不見天涯行客思迢迢西江帆掛

東風急夏口城銜楚塞遙沙渚魚歸多濕網菜
林蠶後盡空條感時歎物尋僧語誰向禪心得
寂寥

辭夏口崔尚書

一飯仍難受淹留已半年終期身可報不擬骨
空鑿城曉風高角江春浪起船曾同栖止地獨
去塞鴻前

古意

白馬遊何處青樓日正長鳳簫拋舊曲鸞鏡嬾
新粧玄鳥空巢語飛花入戶香雖非竇滔婦錦

十調集七

廿

字已成章

王駕一首

古意

夫戍蕭關妾在吳西風吹妾妾憂夫一行書信
千行淚寒到君邊衣到無

于鵠三首

送客遊塞

若到并州北誰人不憶家塞深無去伴路盡有
平沙磧冷唯逢雁天春不見花莫隨邊將意垂
老事輕車

江南曲

偶向江邊採白蘋
閑隨女伴賽江神
衆中不敢分明語
暗擲金錢卜遠人

題美人

秦女窺人不解羞
攀花趁蝶出牆頭
曾前空帶宜男草
嫁得蕭郎愛遠遊

徐寅一首

初夏戲題

長養薰風拂曉吹
漸開荷芰落葦蕪
微青蟲也學莊周夢
化作南園蛺蝶飛

才調集卷第七

才調集卷第八

古律雜歌詩一百首

羅隱十七首



偶懷

白丁攘臂犯長安
翠輦蒼黃路屈盤
丹鳳有懷雲外速
玉龍無主渡頭寒
靜思貴族謀身易
危覺文皇創業難
不將不候何計是
釣魚船上淚闌干

桃花

暖觸衣襟漠漠香
間梅遮柳不勝芳
數枝艷拂

十調集八

文君酒半里紅歌
宋玉牆盡日無人疑
怨望有時經雨乍
淒涼舊山山下還
如此回首東風一
斷腸

中夜夜泊淮口

木葉迎飈水面平
偶停孤棹已三更
秋涼霧露侵燈下
夜靜魚龍逼岸行
歌枕正牽題柱思
隔櫻誰轉遠梁聲
錦帆天子狂魂魄
應過楊州看月明

所思

西指青雲未有期
東歸滄海一何遲
酒闌夢覺

不稱意花落月明空所思長恐病侵多事日可
堪貧過少年時鬪雞走狗五陵道惆悵輸他輕
薄兒

梅花

吳王醉處十餘里照野拂衣今正繁
經雨不隨山鳥散倚風疑共路人言
愁憐粉艷飄歌席靜愛寒香撲酒樽
欲寄所思無好信為君惆悵又黃昏

登夏州城樓

寒城獵獵戍旗風獨倚危欄悵望中
萬里山川

才調集八

二

唐土地千年魂魄晉英雄離心不忍聽
邊馬往事應須問塞鴻好脫儒冠徒
校尉一枝長戟六鈎弓

曲江春感

江頭日暖花又開江東行客心悠哉
高陽酒徒半零落終南山色空崔嵬
聖代也知無棄物侯門未必用非才
一船明月一竿竹家在五湖歸去來

西川與蔡十九同別子超

相歡雖則不多時相別那能不歛眉
蜀客賦高

君解愛楚宮腰細我還知百年恩愛無終始萬
里因緣有夢思腸斷門前舊行處不堪全屬五
陵兒

春日題禪智寺

樹遠連天水接空幾年行樂舊隋宮
花開花謝長如此人去人來自不同
楚鳳調高何處酒吳牛蹄健滿車風
思量只合騰騰醉煮海平陳盡
夢中

綿谷迴寄蔡氏昆仲

一年兩度錦城遊前值東風後值秋
芳草有情

詞集八

三

皆礙馬好雲無處不遮樓山將別恨
和心斷水帶離聲入夢流今日不堪
回首望古煙高木隔
綿州

憶夏口

漢江渡口闌為舟漢江城下多酒樓
芳年不得盡一醉別夢有時還
重遊襟帶可憐吞楚塞風烟只好狎
江鷗月明更想曾行處吹笛橋邊木
葉秋

龍丘東下却寄孫負外

穀江東下幾多程每泊孤舟即有情
山色已隨

游子遠水紋猶認主人清思如海岳何時報恨
似煙花觸處生百尺風帆兩行淚不堪迴首望
崢嶸

金陵夜泊

冷煙輕淡傍衰叢此夕秦淮駐斷蓬
栖雁遠驚活酒火亂鴉高避落帆風
地銷王氣波聲急山帶秋陰樹影空
數代精靈人不見思量應在月明中

寄前宣州竇尚書

往年西謁謝玄暉罇酒留歡醉始歸
曲檻柳濃

才調集八

四

鶯未老小園花煖蝶初飛噴香瑞獸金三尺舞
雪佳人玉一圍今日亂離尋不得滿蓑風雨釣
漁磯

牡丹

艷多煙重欲開難紅蕊當心一抹檀公子醉歸
燈下見美人朝插鏡中看當庭始覺春風貴帶
雨方知國色寒日晚更將何所似太真無力凭
欄干

柳

灞岸晴來送別頻相偎相倚不勝春
自家飛絮

猶無定爭解垂絲絆得人

煬帝陵

入郭登橋出郭船紅樓日、柳年、君王忍把
平陳業只博雷塘數畝田

李頎一首

放歌行荅送弟墨卿

小來好文恥學武世上功名不解取雖沾寸祿
已後時徒欲出身事明主柏梁賦詩不及宴長
楸走馬誰相數斂迹俛眉心自甘高歌擊節聲
半苦由是蹉跎一老夫養雞牧豕東城隅空歌

漢代蕭相國肯事霍家馮子都徒爾當年聲籍
籍濫作詞林兩京客故人斗酒安陵橋黃鳥春
風洛陽陌吾家令弟才不羈五言破的人共推
興來逸氣如濤湧千里長江歸海時別離短景
何蕭索佳句相思能間作舉頭遙望魯陽山木
葉紛紛向人落

崔顥一首

黃鶴樓

昔人已乘白雲去此地空餘黃鶴樓黃鶴一去
不復返白雲千載空悠悠、晴川歷、漢陽樹春

草萋萋、鸚鵡洲日暮鄉關何處是煙波江上使人愁

干武陵九首

夜與故人別

白日去難駐故人非舊容今宵一別後何處更相逢過楚水千里到秦山幾重話來天未曉月落滿城鐘

洛陽道

浮世若浮雲千迴故復新旋添青草塚更有白頭人歲暮客將老雲晴山斫春行行車馬客不

盡洛陽塵

別友人

行子與秋葉各隨南北風雖非千里別還阻一歡同過盡少年日尚如長路蓬猶為布衣客羞入故關中

寄北客

窮邊足風慘何處醉樓臺家去幾千里月圓十二迴寒旰隨日遠雪路向城開遊子久無信年年空鴈來

洛陽晴望

九陌盡風塵囂々晝復昏古今人不斷南北路
長存葉落上陽樹草衰金谷園亂鴉來未已殘
日半前軒

東門路

東門車馬路此路有浮沉白日不西落紅塵應
更深從來名利地皆起是非心所以青青草年
年生漢陰

長信愁

簾涼秋夜初長信恨何如拂黛月生指理鬟雲
滿梳一從悲盡扇幾度泣前魚坐聽南宮樂倩

十調集八

七

風搖翠裾

有感

青山長寂莫南望獨高歌四海故人盡九原青
冢多西沉浮世日東注逝川波不使年華駐此
生看幾何

勸酒

勸君金屈卮滿酌不須辭花發多風雨人生足
別離

李涉一首

山中

無柰牧童何放牛喫我竹隔林呼不應
叫笑如生鹿欲報田舍翁更深不歸屋

我呈四首

中秋感懷

八月更漏長愁人起常早閉門寂無事
滿院生秋草昨宵北牕夢入荆南道遠
客歸去來在家貧亦好

聞笛

入夜思歸切笛聲寒更哀愁人不願聽
自到枕前來風起塞雲斷夜深闌月開
平明獨惆悵落

才調集八

畫一庭梅

客堂秋夕

隔牕螢影滅復流北風微雨虛堂秋蟲
聲竟夜引鄉淚蟋蟀何自知人愁四時
不得一日樂以此方知客遊惡寂寂江
城無所聞梧桐葉上偏蕭索

霽雪

風捲殘雲暮雪晴江煙洗盡柳條輕
簷前幾片無人掃又得書窓一夜明

韓琮六首

春愁

金烏長飛玉兔走青鬢長青古無有秦娥十六
語如孩未解貪花惜楊柳吳魚嶺鴈無消息水
蘭情別來久勸君年少莫遊春暖風遲日濃
於酒

暮春瀝水送別

綠暗紅稀出鳳城暮雲樓閣古今情行人莫聽
宮前水流盡年光是此聲

駱谷晚望

秦川如畫渭如去國還家一望時公子王孫

才子調集八

莫來好嶺花多是斷腸枝

公子行

紫袖長衫色銀蟬半臂花帶裝盟水玉鞍繡坐
雲霞別殿承恩澤飛龍賜渥注控羅青襄轡鏤
象碧重葩意氣傾歌舞闌珊走鈿車袖彰雲縹
縹釵轉鳳歌斜珠卷迎歸箔紅籠晃醉紗唯無
難夜日不得似仙家

二月二日遊洛源

舊苑新晴艸似苔人還香在踏青迴今朝此地
成惆悵已後逢春更莫來

商山驛路幾經過未到仙娥見謝娥紅錦機頭
拋皓腕綠雲鬟下送橫波佯嗔阿母留賓客暗
為王孫換綺羅碧澗門前一條水豈知平地有
天河

李德裕一首

長安秋夜

內官傳詔問戎機載筆金鑾夜始歸萬戶千門
皆寂々月中清露點朝衣

高蟾二首

下第後上永崇高侍郎

天上碧桃和露種日邊紅杏倚雲栽芙蓉生在
煠江上不向東風怨未開

金陵晚眺

曾伴浮雲歸晚翠旋陪落日泛秋聲世間無限
丹青手一片傷心畫不成

高適二首

封丘作

我本漁樵孟諸野一生自是悠悠者乍事狂歌
草澤中寧堪作吏風塵下祇言小邑無所為公

門百事皆有期拜迎官長心欲破鞭撻黎庶令人
悲悲來向家問妻子舉家盡笑今如此生事
應須南畝田世情付與東流水夢想舊山安在
哉為銜君命日遲回乃知梅福徒為爾轉憶陶
潛歸去來

九月九日酬顏少府

簷前白日應可惜籬下黃花為誰有行子迎霜
未授衣主人得錢喜沽酒蘇秦顛顛時多厭蔡
澤拙惶世看醜縱使登高祗斷腸不如獨坐空
搔首

詩調集八

二

朱慶餘一首

惆悵詩

重出王漢十三首內

夢裏分明入漢宮覺來燈背錦屏空紫臺月落
關山曉腸斷君恩信盡工

曹松三首

長安春日書事

浩浩看花晨六街楊柳遠塵塵中一丈日誰是晏
眠人御柳舞著水野鶯啼破春徒云還楚計猶
自惜離秦

九江暮春書事

楊柳城初鎖歸愁不記重春流無舊岸夜色失
諸峯影動漁邊火聲遲語後鐘明朝迴去鴈誰
向北郊逢

古塚

代遠已難問纍纍次古城民田侵不盡客路踏
還平作穴虵分蟄依岡鹿遠行唯應風雨夕鬼
火出林明

錢起一首

闕下贈裴舍人

春城紫陌曉陰陰二月黃鸝飛上林長樂鐘聲

十調集八

十一

花外盡龍池柳色雨中深陽和不散窮途恨霄
漢長懸捧日心獻賦十年猶未遇羞將白髮對
華簪

羅鄴九首

牡丹

落盡春紅始見花花時比屋事豪奢買栽池館
恐無地看到子孫能幾家門倚長衢攢綉轂幄
籠輕日護香霞歌鍾對此爭歡賞誰信流年鬢
有華

巴南旅舍言懷

萬浪千巖首未回無憍相倚上高臺家山如畫
不歸去客舍似讎誰遣來紅淚罷窺連曉燭碧
波休引向風盃後時若有青雲望何事偏教羽
翼程

下第呈友人

清世誰能便陸沉相逢休作憶山吟若教仙桂
在平地更有何人肯苦心去國漢妃還似玉亡
家石氏豈無金且安懷抱莫惆悵瑤瑟調高罇
酒深

登凌歊臺

才調集八

十三

高臺今古境長閑因想興亡自慘顏四海已歸
新雨露六朝空謁舊江山槎翹獨鳥沙汀畔風
通連檣雪浪間好是輪蹄來徃便誰人不向此
躋攀

下第

謾把青春酒一盃愁襟寧信灑能開江邊依舊
空歸去帝里還同不到來門掩殘陽唯鳥雀花
飛何處好池臺此時惆悵便堪老何用人間歲
月催

東歸

日日唯憂行役遲東歸可是有家歸都緣桂玉
無門住不筭山川去路非秦樹夢魂春鳥轉吳
江釣憶錦鱗肥桃夭杏艷清明近惆悵當年意
盡違

僕射陂晚望

離人到此信堪傷陂水蘆花似故鄉身事未知
何日了馬蹄唯覺到秋忙田園牢落東歸晚道
路辛勤北去長却羨無愁是沙鳥雙々相趁下
斜陽

芳草

廢苑牆南殘雨中似袍顏色正蒙茸微香暗惹
遊人步遠綠纜分闌雉蹤三楚渡頭長恨見五
侯門外却難逢年々縱有春風便馬跡車輪一
萬重

聞子規

蜀魄千年尚怨誰聲々啼血向花枝滿山明月
東風夜正是愁人不寐時

章竭一首

愁書坑

似帛煙銷帝業虛關河空鎖祖龍居坑灰未冷

山東亂劉項元來不讀書

李益一首

同崔頌登鶴雀樓

鶴雀樓西百尺檣汀洲雲樹共茫茫漢家簫鼓
空流水魏國山河半夕陽事去千年猶恨促愁
來一日即為長風煙併起思歸望遠目非春亦
自傷

王昌齡三首

長信愁

奉帚平明秋殿開且將團扇共徘徊玉顏不及

十調集八

十五

寒鴉色猶帶昭陽日影來

採蓮

越女作桂舟還將桂為檝湖上水瀰漫清江初
可涉摘取芙蓉花莫摘芙蓉葉將歸問夫婿顏
色何如妾

閨怨

閨中少婦不曾愁春日凝粧上翠樓忽見陌頭
楊柳色悔教夫婿覓封侯

李嘉祐四首

贈別嚴士元

春風倚棹闔閭城水國春寒陰復晴細雨濕衣
看不見開花滿地落無聲日斜江上孤帆影草
綠湖南萬里情東道倘逢相識問青袍今日誤
儒生

起南巴留別褚七少府

種田南郭傍春池萬緒無情把釣絲綠竹放侵
行迳裏青山常對捲簾時紛紛花落門空閉寂
、鶯啼日更遲從此別君千萬里白雲流水憶
佳期

送陸澧還吳中 六言

才調集八

十六

瓜步寒潮送客楊花暮雨沾衣故鄉南望何處
秋水連天獨歸

送王牧往吉州謁王史君

細草綠汀洲王孫柰薄遊年華初冠帶文體舊
弓裘野渡花爭發春塘水亂流使君憐小阮應
念倚門愁

鄭準四首

代寄邊人

君去不來久悠悠昏又明片心因卜解殘夢過
橋驚聖澤如垂餌沙場會息兵涼風當為我一

一送砧聲

題宛陵北樓

雨來風靜綠蕪鮮
凭着朱闌思浩然
人語獨耕燒後嶺
鳥飛斜沒望中煙
松梢半露藏雲寺
灘勢橫流出浦船
若遣謝宣城不死
必應吟盡夕陽川

雲

片、飛來靜又閑
樓頭江上復前山
飄零盡日不歸去
帖破清光萬里天

寄進士崔魯言

才調集八

十七

洛陽才子舊交知
別後千戈積詠思
百戰市朝千里夢
三年風月幾篇詩
山高鴈斷音書絕
谷背鶯寒變代遲
會待路寧歸得去
酒樓漁浦重相期

祖詠一首

七夕

閨女求天女更闌
意未闌玉庭開粉
席羅袖捧金盤
向月穿針易臨風
整線難不知誰得
巧明月試看看

吉師老四首

題春夢

故國歸路賒春晚在天涯明月夜來夢碧山秋
到家開窓聞落葉遠墅見晴鴉驚起曉庭際鶯
啼桃花

看蜀女轉昭君變

妖姬未着石榴裙自道家連錦水濱檀口解知
千載事清詞堪嘆九秋文翠眉頻處楚邊月盡
卷開時塞外雲說盡綺羅當日恨昭君傳意向
文君

放猿

放爾千山萬水身野泉晴樹好為鄰啼時莫向
瀟湘岸明月清風有旅人

鴛鴦

江島濛濛烟靄微綠蕪深處刷毛衣渡頭驚起
一雙去飛上文君舊錦機

盧弼七首

薄命妾

君恩已斷盡成空追想嬌歡恨莫窮長為薜蘿花
光曉日誰知團扇送秋風黃金買賦心徒切清
路飛塵信莫通閑凭玉欄思舊事幾回春暮泣

殘紅

聞鴈

秋風蕭瑟靜埃氛邊鴈迎風響咽羣瀚海應嫌
霜下早湘川偏愛草初薰蘆洲宿處依沙岸榆
塞飛時度晚雲何處最添羈客恨竹牕殘月酒
醒聞

秋夕寓居精舍書事

葉滿苔階杵滿城此中多恨、難平踈簷看織
蟬蛸網暗隙愁聽蟋蟀聲醉卧欲拋羈客思夢
歸偏動故鄉情覺來獨步長廊下半夜西風吹

才調集八

十九

月明

客李秀才邊庭四時怨

春

春風昨夜到榆關故國煙花想已殘少婦不知
歸不得朝、應上望夫山

夏

盧龍塞外草初肥鴈乳平蕪曉不飛鄉國近來
音信斷至今猶自着寒衣

秋

八月霜飛柳變黃蓬根吹斷雁南翔隴頭流水

關山月泣上龍堆望故鄉

冬

朔風吹雪透刀瘢飲馬長城窟更寒半夜火來知有敵一時齊保賀蘭山

竇鞏一首

寄南遊兄弟

書來不報幾時還知在三湘五嶺間獨立衡門秋水闊寒鴉飛去日銜山

韓偓五首

小隱

才調集八

二十

借得茅齋嶽麓西擬將身世老鋤犁清晨向市烟含郭寒夜歸邨月照溪爐為牕明僧偶坐松因雪折鳥驚啼靈椿朝菌由來事却笑莊生始欲齊

贈易卜崔江處士

白首窮經通秘義青山養老度危時門傳組綬身能退家學樵漁跡更奇四海盡聞龜策妙九霄堪嘆鶴書遲壺中日月將何用借與閑人試一窺

殘春旅舍

旅舍殘春宿雨晴恍然心地憶咸京樹頭蜂抱
花鬢落池面魚吹柳絮行禪伏詩魔歸淨域酒
衝愁陣出奇兵兩梁免被塵埃污拂拭朝簪待
眼明

夜深

清江碧草兩悠悠各自風流一種愁正是落花
寒食雨夜深無伴倚空樓

寄鄰莊道侶

聞說經旬不啓關藥窓誰伴醉開顏夜來雪壓
前邨竹剩見溪南數尺山

杜荀鶴八首

春宮怨

早被嬋娟誤欲粧臨鏡慵承恩不在貌教妾若
為容風暖鳥聲碎日高花影重年年越溪女相
憶採芙蓉

經九華費徵君墓

凡弔先生者多傷荆棘間不知三尺墓高却九
華山天地有何外子孫無亦閑當時若徵起未
必得身還

冬末同友人泛瀟湘

殘臘泛舟何處好，家多吟興是瀟湘。就船買得魚偏美，踏雪沽來酒倍香。猿到夜深啼岳麓，雁知春近別衡陽。與君剩採江山景，裁取新詩入帝鄉。

山中寄詩友

山深長恨少同人，覽景無時不憶君。庭果自從霜後熟，野猿頻向屋邊聞。琴臨秋水彈明月，酒就東山酌白雲。仙桂笑攀：合得平生心力盡於文。

溪興

十調集八

廿二

山雨溪風卷釣絲，瓦甌蓬底獨斟時。醉來睡着無人喚，流下前灘也不知。

馬上行

五里復五里去，時無住時日將家。漸遠猶恨馬行遲。

春日閑居寄先達

野吟何處最相宜，春景暄和好入詩。高下麥苗新雨後，淺深山色晚晴時。半巖雲脚風牽斷，平野花枝鳥踏垂。倒載干戈是何日，近來麋鹿欲

旅館遇雨

月華星采坐來收
嶽色江聲暗結愁
半夜燈前十年事
一時隨雨到心頭

張喬二首

荆楚道中

前程曾未到岐路
已奚為返照行人
急荒郊去鳥遲春
宵多旅夢閏夏遠
相期處、牽愁緒無
窮是柳絲

遊終南山白鶴觀

上徹煉丹峯求玄
意未窮古壇青草
合徃事白

才調集八

廿二

雲空仙境日月外
帝鄉烟霧中人間
足煩暑欲去戀清
風

崔魯一首

暮春對花

病香無力被風欺
多在青苔少在枝
馬上行人莫回首
斷君腸是欲殘時

才調集卷第八



